

# შინაური საქმეები

№ 36

შანი მართი შაური

ქლიური ფასი სპა მან.

წელიწადი მეოთხე.

სოფელ-კვირიული გავითი

კვირა, 6 ნოემბერი 1911 წელი

ყოველ-კვირულ გავით

შინური საქმეები

თავი — კახეთის შესახებ № 17. და აბილსუ კომიტეტის სპ. სპ. გავითი, სომხანის შუის მადიაში. გამოცემა ყოველ თვეში ოთხი ნომერი, ბბ. ხელის მომწერლებს ვთხოვთ გავითის ფასი მიეღვი წლის ერთად გამოგზავნონ.

ქლიური ფასი: მასიდან წლის ბოლომდე

3 მანეთი. | | 2 მანეთი. | | 2 მანეთი და 10 შაური.

ადრესი: ქოასი: „შინური საქმეების“ რედაქცია.

შინაურნი: 1) სიტყვა, თქმული იმერეთის ეპისკოპოსის ყოვლადსამღვდელო გიორგის მიერ ქუთ. საკათ. ტაძარში ნ. ზ. ცხვედამის დაკრძალვის დღეს განსვენებულის პანაშვიდზე; 2) სტამბოლის ქართველ კათოლიკეთა მონასტრის შესახებ — გაზ. „კოლხიდისა“; 3) ქუთაისის გუბერნატორის გენ — ლ სლავოჩინსკის წერილი; 4) კვირილამ-კვირამდე; 5) მამა ოლიმპი (გაგრძელება) მლ. ს. მაჭარაშვილისა; 6) ურთიერთშორის მხილების შესახებ — რ. ქართველიშვილისა; 7) რას გვეყრენ? ა) მლ. კ. ანთაძისა ბ) გეგუთელისა; 8) სენთა სულის უკვლავების რწმენა და მათი ლიფანალი — მლ. გიორგი ძიმიტარშიშვილისა; 9) კიდევ — ღია წერილი ოზურგეთის მახრის მისიონერს თ. მელქისედეკ ნაკაშიძეს — ქაჯეთელისა; 10) შინაური სექციების ფოსტა.

## ს ი ტ ყ ვ ა

თქმული იმერეთის ეპისკოპოსის, ყოვლადსამღვდელო გიორგის მიერ ქუთაისის საკათედრო ტაძარში ნ. ზ. ცხვედამის დაკრძალვის დღეს განსვენებულ პანაშვიდზე.

გაუმაძღარმა და შეუბრალებელმა სიკვდილმა ჩვენ არ დაგვახანა და კიდევ მოგვთხოვა სამშობლოს მოღვაწეთა წრიდან ახალი სხვერალი. ჯერ კიდევ არ გაციებულა პატოსანი მამულიშვილის, დავით სარაჯიშვილის საფლავი და აი, დღეს, იქვე — დიდუბეში, დავითის გვერდით აბარებენ მიწას ნიკოლოზ ზებედესძე ცხვედამის, — ძვირფას მეგობარს სარა-



ჯიშვილისას, მის შინაურ მრჩეველს და მარჯვენა ხელს საქველმოქმედო საქმეებში. ანდერძი დაეითისა იყო, რომ ნიკო საფლავეშიც ახლო ყოლოდა, როგორც ძვირფასი და განუშორებელი ამხანაგი.

როდესაც ნიკო საქვეყნო საქმეს კიდებდა ხელს, ბევრს ეგონა, რომ იგი სულაც არ ფიქრობს მატერიალურ საშეღებავზე, ურომლისოთაც ყველა მისი განზრახვა ფუჭათ უნდა დარჩენილიყო. როდესაც იგი იწყებდა თფილისის თავდაზნაურთა გიმნაზიის—მილიონათ ღირებულს—ახლანდელ შენობას, ბღერნი ექვის თვლით ეკითხებოდნენ: სადა გაქვს კაცო, ფული ამ დიდებული საქმის განსახორციელებლათაო? ხოლო იგი მშვიდათ, სიყვარულით საესე თვლებს შენათებდა მოსაუბრეს და მიუგებდა: ფულს ყოველთვის ვიშოვი, ოღონდ სხვა მხრით ნურავინ გადამელობება წინო. მართლაც და ფულს ყოველთვის შოულობდა. ვერც ერთი ქართული ფინანსიური დაწესებულება, ვერც ერთი შეძლებული ქართველი, როგორი ძუნწი და წუწურაქიც უნდა ყოფილიყო იგი, ნიკოს უარს არ ეტყოდა შემწეობაზე საქვეყნო საქმისათვის. ასეთი ძალუმი იყო მისი მქერმეტყველური თხოვნა სამშობლოს კეთილი მიზნისთვის. დრო და ადგილი ნებას არ მაძლევს და არც ძალმიძს, რომ ღირსებულათ დავასურათო ნ. ცხვედაძის საზოგადო მოღვაწეობა. ამას შეასრულებენ ჩემზე უკეთ სხვები, მე, როგორც მის ნამოწაფარს, მსურს ცოტათი მიინც გაგაცნათ ეს პატიოსანი ადამიანი, როგორც თფილისის სემენარიის მასწავლებელი წარსული საუკუნის სამოცდამეთე წლებში. ნუ დამძრახავთ ამ სურვილისათვის. თფილისის სემენარიას წარსულში საკმაო შესამჩნევი ღვაწლი მიუძღვის სამშობლოს წინაშე.

კარგათ მოგეხსენებათ, როგორი აღფრთოვანებით წინ მიიწვედა მთელი რუსეთის საზოგადოება ნეტარსენებული იმპერატორი აღექსანდრე მეორის რეფორმებს შემდეგ. ამნაირი მიზნებითვე იყო გამსჭვალული იმ დროის ქართველი მოწინავე საზოგადოებაც. აღფრთოვანება და იდეური გატაცება უფრო ეტყობო-

და მაშინდელ ჩვენ ნასწავლ ახალთაობას, რომელიც ბრუნდებოდა რუსეთიდან სამშობლოში. ამათ რიცხვში ერთი უკეთესთაგანი იყო განსვენებული ნიკო. ის დაუბრუნდა თავის აღმზღელ—დედა სემინარიას, რომ მისთვის მიცდენა პირველი თავიული თავისი შემოქმედებითი ძალებისა. თუმცა მას ხეთა წილათ ისეთი საგნების სწავლება, რომელიც მონათლული იყო სქოლასტიკის სახელით, მაგრამ მან ისეთი ხასიათი მისცა ამ სწავლებას, რომ აგრეწოდებული უკანა სკამებიც კი გულმოდგინეთ სახეგაბრწყინებული უსმენდენ მას. ნიკოს თან მოყვენ ამავე სემინარიაში სამოღვაწეთო აკადემია დამთავრებული რამდენიმე ქართველი და რუსი. აქ დაუხვდათ მათ წინათ დაბრუნებულნი, მათშორის ჩვენი სახელოვანი პედაგოგი, სემენარიის ენაზე „ბელადათ“ წოდებული ი. ს. გოგებაშვილი. გაჩაღდა ნამდვილი ერთობა—ძმობა და მამაშვილობა მასწავლებელაღმზრდელთა და მოწაფეთა შორის.

ნიკო და მისი თანამოაზრენი მარტო სემენარიაში მოღვაწეობით არ კმაყოფილდებოდნენ. არ კეთდებოდა არც ერთი საზოგადო საქმე, რომ ამ ჩვენი სემენარიის მასწავლებლების ჯგუფს არ მიელო მონაწილეობა. ამ ჯგუფის მეოხებით შეგირდებიც იღებენ მონაწილეობას იმ დროის საზოგადო საქმეებში, მაგ. ჟურნალ-გაზეთებში, წარმოდგენებში და სხ. იმ ხანებშივე დაარსდა ქ. შ. წ. კ. გამავრცელებელი საზოგადოება. ამ დიადი საქმის მოთავე იყო ი. ს. გოგებაშვილი და პირველი მისი თანამშრომელი კი ნ. ცხვედაძე.

მაგრამ სემენარიის ბედის ჩარხი მალე სხვანაირათ დატრიალდა. ნიკოსაც და მის თანამოაზრეთაც უნდა მოენახათ თავისი მოებედებისთვის სხვა ადგილი. ის, რაც ვერ იგუთ სემინარიის კედლებმა, გამოტანილ იქნა საქვეყნო ასპარეზზე. ნ. ცხვედაძემ თავისი პედაგოგიური ნიჭი აამუშავა სხვა სასწავლებლებში, რომელიც არა თუ არ უშლიდა, არამედ ხელს უწყობდა მშობელი ერისათვის სასარგებლო მოღვაწეობას.

რა გააკეთა განსვენებულმა, რისთვის არ

უნდა იყოს მისი ხსენება დაიწყებული მის სამ-  
შობლოში, ბევრმა თქვენთაგანმა კარგათ იცის  
და ეინც არ უწყის, იგი ამოიკითხავს ჩვენე-  
ბურ ჟურნალ-გაზეთებში. ჩვენ კი ახლა შევა-  
სრულოთ ერთი ჩვენი მოვალეობათაგანი გან-  
სვენებულისადმი: შევედრნეთ უფალსა რათა  
სული ახლათ გადაცვალებულისა ნიკოლოზისა  
დაამკვიდროს, სადაცა მისი მშობელი ერის  
მართალნი განისვენებენ.—



**სტამბოლის ქართველ კათოლიკეთა მო-  
ნასტრის შესახებ. \*)**

ჩვენ სრულიად შემთხვევით ჩავივარდა  
ხელში გაზეთი „თემის“ № 24, ვამბობთ, სრუ-  
ლიად შემთხვევით იმიტომ, რომ ჩარხის უკულ-  
მა ტრიალმა ისეთ დუხჭირ პირობებში ჩავვა-  
დო, რომ გაზეთი ჩვენთვის აკრძალული ხი-  
ლია. გაზეთის ნაფლეთმა და ისიც ქართული-  
სამ მეტის მეტათ გვასამოვნა, მაგრამ წაკით-  
ხულმა კი უზომოთ აგვადელვა ამით სახეში  
გვაქვს „თემის“ № 24-ში მოთავსებული წე-  
რილი სტამბოლის ქართველ კათოლიკეთა მო-  
ნასტრისა და მისი წინამძღვრის სომეხი ბენე-  
დიქტე ჩილინგარიანის შესახებ. ამ მონასტერსა  
და ჩილინგარიანზე „სახალხო გაზეთსა“ და  
„კოლხიდაში“ თავის დროზე წერილებიც ყო-  
ფილა, მაგრამ სამწუხაროთ, მათი წაკითხვა  
ჩვენ ხელთ არ იყო. „თემი“ გვაუწყებს, რომ  
სტამბოლში ქართველ კათოლიკეებს მდიდარი  
და მშვენიერი მონასტერი ქონიათ; მონასტერ-  
თან საუცხოვო წიგნთსაცავი, ქართული სტამ-  
ბა და მშვენიერათ მოწყობილი ქალ-ვაეთა შკო-  
ლა ყოფილა, სადაც სწავლა ქართულსა და  
ფრანგულ ენაზე სწარმოებს თურმე. ამ მონა-  
სტრიდან ბევრი ცნობილი ქართველი მოღვა-  
წე გამოსულა. დღეს რაღაც ოინებით ამ მო-

ნასტრის წინამძღვრობა ვილაც ბნელ პირს, სო-  
მეხ ბენედიქტე ჩილინგარიანს, ვარდიქთ წო-  
დებულს, ჩაუგდია ხელში და მისი მეცადინე-  
ნობა— შთაგონებით ადგილობრივი კათოლი-  
კეთა ეპისკოპოზ სარდის უკვე აუკრძალავს  
მონასტერში ქართული წირვა-ლოცვა, ჩამო-  
ურაშევია მონასტრისთვის ზედმიწერილი ეკ-  
ლესიები, მდიდარი სახლები და ადგილები;  
აგრეთვე მოუნდომებია დაეხურა მონასტერთან  
არსებული ქართულ-ფრანგული სასწავლებელ-  
ი. ადგილობრივი ქართველებისა და ფრან-  
გული გაზეთების პროტესტისთვის ყურადღება  
მიუქცევია რომის პაპს და ეპისკოპოზი სარდი  
რომს დაუბრუნებია. ჯერ არ ვიცით, საქმე რი-  
თი გათავდა. ჩვენ კი, ვუერთებთ რა სტამბო-  
ლელ ქართველ კათოლიკეთა პროტესტს ჩვენ  
მეტათ აღშფოთების ხმას, ჩილინგარიანის უგ-  
ვანო და საზიზღარი მოქმედების შესახებ. ვფი-  
ქრობთ, რომ ჩვენი საღვდელთება, ჩვენი შკო-  
ლების წარმომადგენლნი, ერთი სიტყვით,  
ყველა ჩვენი საზოგადო კულტურული დაწე-  
სებულეზანი და აგრეთვე საზღვარგარეთ მყო-  
ფი ინტელიგენტი ქართველობა, ხმას აღიმად-  
ლებენ, პრესისა და სხვა საშვალეებით ჩილინგა-  
რიანის მოქმედებას სასტიკათ გაკიცხვენ, ზიზღს  
გამოუცხადებენ და, ამრიგათ, ქართველი ერის  
ხმას სტამბოლელი ქართველების ხმას შეუერ-  
თებენ და ენერგიულათ მოითხოვენ სტამბო-  
ლის ქართველ კათოლიკეთა მონასტრიდან ჩი-  
ლინგარიანის სრულიად განდევნას. საჭიროა  
ჩვენი აღშფოთება-პროტესტი პარიზისა და რომის  
ერთ-ერთ გავლენიან-გავრცელებულ გაზეთ-  
ში დაიბეჭდოს. რა უნდა, რა ზნეობრივი უფ-  
ლებით თარეზობს ბ-ნი ჩილინგარიანი ქართვე-  
ლების მონასტერში? საკვირველია ღმერთმანი,  
„ჩილინგარიანების“ ავან-ჩაფანი; კის-რზე გვაჯ-  
ღებინა შინ, არ გვასვენებენ გარეთ, როდის,  
როდის დაგვანებებენ თავს? მაგრამ ღვთის წი-  
ნაზე, მართალი რომ ითქვას, ანია ყოველიფე-  
რი ჩვენ თავს. ჩვენ უნერგოთ, დაუდევარი,  
წინდაუხედავი ვართ, ადგილათ ვაჯანებებთ  
თავს სხვებსა, თავის დროზე განხატულას  
კვამლს ანგარიშს არ ვუწყებთ და როცა აღი

\*) ვებეჭდავთ ამ ფრიად საყურადღებო წერილს  
გაზეთ „კოლხიდაში“ და ჩვენი სამღვდელთების ყურად-  
ღებას მივაქცევთ მსგავს მოვლენაზე ათონის ივერიის  
მონასტერში, რომელზედაც ჩვენ ვწერდით „შინ. საქ-  
მეებში“.

რედ.

მოგვედება, საქმე ხელიდან წასულია, ყვირილ-  
სა და ტირილს ავსტებთ. გავისენოთ თუნდა  
ჩვენი მონასტერ-ეკლესიების ბედ-იღბალი, მა-  
თი გაცარცვა-გაყვლეფის ისტორია და ჩვენი  
მიუტევებელი გულგრილობა და ამავე დროს  
სომხების ენერგიული ბრძოლა წარმეული  
ეკლესია-მონასტრების დაბრუნებისათვის და ამ  
ბრძოლის შედეგი. ჩვენ კი იმდენათ დაბეჩავე-  
ბული ვართ, რომ ჩვენ მაგიერ სხვები იღებენ  
ხმას და ჩვენ მოსარჩლეთ, ნამდვილ აპეკუნე-  
ბათ გამოდიან. ამის შესახებ იმავე „თემში“  
№ 24 მშენიერი წერილია მოთავსებული,  
რომლის წაკითხვა ბევრს რასმე დამაფიქრებელს  
იწვევს მკითხველისაგან. დროა, საღათას ძილს  
თავი დავახწოთ! დროა, ჩვენ ქარ-ვარამზე  
საკუთარი ქუთა გონებით თვითონ ვილაპარა-  
კოთ და არ ვაფიქრებოთ ჩვენ მტერსა და  
მოყვარეს, ქართველები ჯერ მოუმწიფარი, სა-  
აპეკუნო ბაღლები არიანო.

მისა კ—ჯია.

### ქუთაისის გუბერნატორის გენ-ლ სლავო- ჩინსკის წერილი.

(„Зак. Рѣш.“ № 242).

ამ უკანასკნელ ხანში საზოგადოების ერთ  
წრეში და კავკასიის პრესაში დაჯინებით აგრ-  
ცელებენ ხმას, ვითომც მე შეურაცხვეყოფდე  
ქართველობას, ვდევნიდე და ვლანძღავდე მას.  
რომ ერთხელ და სამუდამოთ ბოლო მოეღოს  
ამ ყალბსა და ავთ შეთხზულ ხმებს, ჩემს თავს  
მოვალეთ ვრაცხ განვაცხადო; ქართველებისად-  
მი არაფითარ „მძულვარებას“ არა ვგრძნობ და  
მით უმეტეს არ მიფიქრია მათი შეურაცხყო-  
ფა და დევნა, პირიქით, მიყვარს ეს ერი და  
მუდამ ქომაგად ვუწინდები მათ გონიერს მის-  
წრაფებას და შეძლებისადაგვართ ხალხის საქი-  
როებას დახმარებას ვუწევ, ვდევნი კი ყოვე-  
ლივე კანონიერი საშუალებით იმ ჯგუფს ბო-  
როტეაშურახველი პირებისას, რომელნიც ვი-

თამ ხალხის ინტერესების დროშას ამოფარე-  
ბიან, ყვლეფენ და თავის კერძო საქმეებს აწ-  
ყობენ, რითაც ვნებას აყენებენ მთელი გუბერ-  
ნიის კეთილდღეობას და ცხოვრების სწორ  
მიმდინარეობას აფერხებენ. ამ ბოროტების წი-  
ნააღმდეგ, სანამ ჩემს ადგილზე ვიქნები და ვარ,  
ენერგიულ ბრძოლას განვაგრძობ.

ქუთაისის გუბერნატორი, გენერალი  
სლავოჩინსკი.

29 ოქტომბერი 1911 წ.

### ვერილამ-ვეირამლე.

დიდი ხანია აღიძრა საქმე და ლაპარაკი  
სიონის საკათედრო ტაძრის წინ მოედნის  
გამართვის შესახებ. ეხლა, როგორც გავიგეთ  
ეს საქმე წინ მიდის. ვინმე ქართველიშვილის  
ჰქონია სიონთან ახლოს სახლი, რომელსაც ის  
გაყიდვს უპირებს და გაუმართავს კიდევ მო-  
ლაპარაკება სიონის ტაძრის წინამძღვართან ამ  
სახლის შესყიდვის შესახებ. კანტორა თანაგრძ-  
ნობით მიგებებია ამ ამბავს და, როგორც ამ-  
ბობენ, ფულიც კი გამოუძებნიათ ამ სახლის  
შესაძენათ სიონის საკუთრებად. სახლი შეს-  
ყიდვის შემდეგ დანგრეულ იქნება, ამ ადგილს  
მოემატება იქვე გვერდზე მდებარე სახელმწი-  
ფო ადგილი, რომელიც, უეჭველია მუქთად  
დაეთმოება სიონს და ამრიგად ტაძრის ჩრდი-  
ლოეთ მხარეს კარგი მოედანი გაიმართება.

ტფილისის დედათა საეპარქიო სასწავლე-  
ბელში ქართულის საეკლესიო გალობის მას-  
წავლებლად იყო მღვდელი ვასილ კარბელა-  
შვილი, რომელსაც ევალეობდა ხოროს მოწ-  
ყობა ეკლესიაში გალობისთვის. მაგრამ, რად-  
განაც მ ვ. კარბელაშვილი თავისის მრევლის  
საქმეების გამო, ვერ ასწრობდა სასწავლებლის  
ეკლესიაში გალობის გაწყობა-გამართვას, ამი-  
ტომ დათხოვნილ იქმნა უფროს კლასებში მას-  
წავლებლობისგან. მის ადგილზე დანიშნეს ი.

კარგარეთელი. მ. ვ. კარბელაშვილი დარჩა მასწავლებლად მოსამზადებელს კლასებში.

ექსარხოსი ინოკენტი გაემგზავრა პეტერბურგში 3 გიორგობისთვის. ამბობენ საშობაოთ ისევ დაბრუნდება.

საქართველოს ეპარქიის სამღვდლოების კრება მოხდება დეკემბერში, როგორც ჩვეულებრივად ხდებოდა ხოლმე.

საქართველოს ეპარქიის საეკლესიო სკოლათა საბჭომ გაიწერა არქ. პიროსისგან შედგენილი სახელმძღვანელო 500 ცალი. ქუთაისში ეს სახელმძღვანელო იყიდება მთავარიევის მაღაზიაში.

უწმ, სინოდისგან ჯამაგირების მოსამატებლად გადადებული თანხიდან იმერეთის სამღვდლოებსა შეხვდა სამ ათას მანეთამდე; ქართლ-კახეთისას და გურია-სამეგრელოსას ორ-ორ ათასი. ეს ფულები სამღვდლოების კრებამ უნდა გაუნაწილოს უჯამაგირო კრებულებს.

ხმა დადის, რომ საქართველოს ექსარხოსი პეტერბურგში ყოფნის დროს, სინოდში აღძრავს საკითხს სამღვდლო პირების და ბლაღოჩინების არჩევითის წესების გაუქმების შესახებ. ამდენათ ახლო არიან ეს ხმები სპართლისთან, არ ვიცით.

3 ნოემბერს მისმა შეუფხვამ ყოვლადსამღვდლო გიორგიმ საკრებულო ტაძარში პანაშვიდი მადიხადა განსვენებულ ნ. ზ. ცხველავის სულის მოსახსენებლად. განსვენებული დიდი პატიოსანი, ნანდვილი ქართველი და მოღვაწე კაცი იყო. აქვე მოგვყავს მისი მეუფების სიტყვა, პანაშვილზე წარმოთქმული.

ინტენერ ქურდიანის ხელმძღვანელობით წყალსადენი მოეწყო მოწამეთის მონასტერში, რაც მას ათ-ს შვიდას მანეთამდე დაუჯდა. დიდი მადლობის ღირსია მ. არქიმანდრიტი ნესტორი, რომელმაც ითავა ეს საქმე. როგორც ძმები ისე მლოცველებიც დღემდე წვიმის წყალს ხმარობდენ, რომელიც გროვდებოდა ეკლესიის სახურავიდან საგანგებოთ მოწყობილ ქაში. დღეის იქით ამ წყალს სარეცხისთვის თულა დაუწყებენ ხმარებას.

### მამა ოლიმპი.\*)

მ ო ტ ხ რ ო ზ ა.

(გაგრძელება\*).

III.

გავიდა ნახევარი წელიწადი ასიას და ტონიას გარდაცვალებიდან, მამა ოლიმპი იღვა მათი საფლავების წინ ისევ იმავე მწუხარე ფიქრებით, ისევ იმავე მწარე კითხვით... ტყვიასავით მიიმეცრემლი არ ამსუბუქებდა მის უსაზღვრო მწუხარებას.

—მამაო, მამაო, მოისმა მის ახლო გაუბედავი, მაგრამ ცოტა საყვედურის კილოთიც წამოძახილი, ხმა იაკობისა, ეგრე არ შეიძლება! ასეთი ქარი და სიცივეა და თქვენ კი ამოდენი ხანი თავშიშველი დგახართ! ხიფათი არა შეგემთხვესთ-რა!

იაკობი ოცს წელიწადზე მეტი მსახურებდა მამა ოლიმპისთან და ამ უკანასკნელმა იცოდა რა ამ მოხუცებულის სიყვარული და ერთგულობა, ნებას აძლევდა მას ხან და ხან თავისუფალი მოქცევისა და ლაპარაკისას.

„რა ხიფათი უნდა შემემთხვეს?“ უნდოდა ეკითხა მამა ოლიმპის. — „გავცივდები? მოვკვდები? შით უკეთესი,“ მაგრამ ცოდვით მიიჩნდა რა ასეთი ფიქრები, თავი შეიკავა მან ასეთის პასუხის მიცემისაგან.

მუხლი მოიდრეკა მან საფლავების წინ, წამოდგა, გადასახა მათ ჯვარი, დაიხურა ქუ-

\*) იხ. „შინ. საქმ.“ № 34.

დი და ნელ-ნელა დაეშვა სერიდან, რომელ-  
ზედაც მდებარეობდა სასაფლაო. ქარი და წვი-  
მა თან და თან უკატებდა. მამა ოლიმპის თხე-  
ლი ანათორა ეცვა და საშიში იყო, რომ სა-  
ნამდის შინ მივიდოდა სრულიად დასველდე-  
ბოდა.

—მამაო, მოისმა ისევ ხმა იაკობისა, რო-  
მელსაც უნდოდა დაწეოდა მას, უკეთესი იქ-  
ნება თქვენ აქ, ამ სადარაჯო ოთახში მოი-  
ცადოთ, მე ქოლგის მოსატანად წავალ, ხომ  
ხედავთ, როგორ წვიმს...

—რას ამბობ მოხუცო, — მოფერებით მი-  
უგო მამა ოლიმპიმ, — შენ სად წახვალ... რა  
დიდი საქმე იქნება, რომ ცოტა კიდევ დავსვე-  
ლდე — შაქარი ხომ არ ვარ რომ გავდნე. მი-  
ვალ შინ, და დამალვინებს ცხელს ჩაის და  
გაცეცხვულიც რომ ვიქნე, გავხურდები და არა  
უშავსრა.

მამა ოლიმპი გაუდგა გზას, მოხუცი იდგა  
ერთ ადგილას და უყურებდა მას, სანამდის იგი  
თვალს არ მოეფარა, მოწყენილად აქნევდა რა  
თავს, მეტად ეცოდებოდა მას „თავისი მოძღვა-  
რი“. მამა ოლიმპი მივიდა შინ ისეთი დასვე-  
ლებული და გაყინული, რომ ძლივსლა ლაპა-  
რაკობდა.

დამ დაინახა რა იგი, შეშინებულმა მაშინვე  
იწყო მისი მოვლა, საჩქაროდ ჩაი დააღვეინა  
მას და დააწვინა დასაძინებლად.

—მადლობა ღმერთს, მგონი, დაიძინა —  
სთქვამოხუცებულმა ზე გამოვიდა რა ოთახიდან,  
ნელა გამოხურა ოთახის კარები. — შენ, თე-  
კლე, — მიუბრუნდა იგი იქვე მყოფს ქალიშ-  
ვილს, რომელიც სტოლს ალაგებდა, ქურჭელს  
ნუ არახუნებ, ოთახში ნელა გაიარ-გამოიარე,  
თორემ შენი მძიმე სიარულის გამო მთელი სა-  
ხლი ინძრევა.

ამ სიტყვების დასრულება ვერც კი მოას-  
წრო მან, რომ დერეფანში ისე ძალზე და-  
აჯახეს შემოსასვლელი კარები, რომ თვით ლო-  
ნიერი თეკლეც კი შეხტა.

—ღმერთო, წამოიძახა ანა სიმონის ასუ-  
ლმა, ეს ვინდა მოდის!

—მოძღვარი შინ არის? — გაისმა ხმა ტან-

მაღალი გლეხისა, რომელსაც თმიდან და ტა-  
ნისამოსიდან წყალი ჩამოსდიოდა და რომელიც  
ოთახის კარებში გამოჩნდა.

—რა საქმე გაქვს მოძღვართან? გაჯავრე-  
ბულად ჰკითხა მას ანამ, მისი ნახვა არ შეი-  
ძლება, იგი ავათაა.

— როგორ თუ არ შეიძლება? გააგრძელა  
გლეხმა, — მოხუცი ივანე მეწისქვილე კვდება,  
ზიარება უნდა.

— ის ხომ დიდი ხნის ავადმყოფია, ნუ  
თუ არ შეიძლება ხვალ დილამდისაც მოიცა-  
დოს? გააგრძელა ანამ.

— კი შეიძლება, მაგრამ საშიშია...

უბასუხებდა გლეხი, მეტად არის შეწუ-  
ხებული...

— ახლავე, ახლავე, მოისმა — ხმა მა-  
მა ოლიმპისა, რომელიც ნახევრად ჩაკმული  
გამოჩნდა ოთახის კარებში, — შენ სიმონ, —  
მიუბრუნდა იგი გლეხს, წადი ეკლესიის სადა-  
რაჯო ოთახში და უთხარი იაკობს ეკლესია  
გააღოს, მე ახლავე მოვალ იქ, წმ. ნაწილებს  
გამოვიტან და წავიღებ ერთად.

— ჩემო თვალის სინათლე! — ის იყო  
დაიწყო ანამ, როგორ შეგიძლიან ამ წვიმაში  
ასეთს ოფლიანს წასვლა? ცოტა მაინც შეიცა-  
დე და მერე ცხენით წადა.

— გაჩუმი დაო, — შეაჩერა იგი მამა  
ოლიმპიმ, — ნუ სცოდავ.

ძალიან შეიმაჯრა თავი მამა ოლიმპიმ, მა-  
გრამ ისე ძალზე გააცივა, რომ ორი დღის შე-  
მდეგ იგი ლოგინად ჩავარდა. ექიმმა შეამო-  
წმა მისი ავადმყოფობა ფილტვების ანთებად  
და მასთანავე დაუმატა, რომ თუ მხედველო-  
ბაში მივიღებთ ავადმყოფის სისუსტეს და სა-  
ერთო უძღურებასა, საეჭოა რომ მის სატკი-  
ვარს მშვიდობიანი შედეგი ექნესო. ეს ექიმი  
დიდხნიდან იცნობდა მამა ოლიმპის, არა ერ-  
თხელ უაქიმებია მისი განსვენებული ქალიშვი-  
ლისათვის და დიდათაც აფასებდა ამ ღირსე-  
ულს მოძღვარს. მხურრალე ენგრიით შეუდგა  
იგი მის აქიმობას, მაგრამ ხედავდა რა სწეუ-

ლებს ჩქარა გაძლიერებას, მცირე იმედს ამ-  
ყარებდა იგი თავის ხელობაზედ.

მდ. სერგი მაჭარაშვილი.

(შემდეგი იქნება.)



**შსტიპარტოზორის მხილვის შესახებ.**

წერილი რედაქციის მიმართ.

დიდით პატივცემულო მ. რედაქტორო!

კაცი, კაცის მადლიერა ძალიან ძვირათ  
არის ქვეყანაზე. რაც უნდა კეთლი საქმე მი-  
გიძლოდეს კერძოთ ვინმესთან, ან საზოგადო  
საქმეზე, გულს გარეშე არ ვიცი, თორემ გუ-  
ლით მადლობას ძვირათ გეტყვიან. ეს დაკვი-  
რება ძალიან შეთვისებული მაქვს. თქვენი გა-  
ზეთის საშვალდებით ბევრი საზოგადო და კარ-  
გი კითხვები წამოაყენეთ, ბევრ საგულისხმი-  
ერო საკნებზე იყო მსჯელობა და, იმედია, კი-  
დეც ბევრი რამ დაიწერება, მაგრამ შრომისა  
და საზოგადო საქმიანობისთვის თვით თქვენ  
იქნებით თქვენი თავის მადლიერი; სხვებისგან  
კი მადლობათ ჩასათვლელი არის, თუ ვინ-  
მემ დაწერილი წაიკითხა სხვებისაგან გულისა,  
აწონ-დაწონა, გულის ხმა ჰყო.

მე მინდა მრუდად მავლ მოძღვართა გას-  
წორების შესახებ წამოყენებულ კითხვას ჩემი  
შეხედულებაც შეუერთო სხვებისას. ეს კით-  
ხვა ისეთი სასაამოვნოა ჩემთვის, რომ ამ კით-  
ხვის აღძრვისთვის, თუ პირადათ მე მადლობას  
გწიარავთ, ფარისევლობით ნუ ჩამომართმევთ.  
ჩვენ ძალიან ბევრი ვიცით, ისეთი მოძღვარი,  
რომ ანაფორის ტარების ღირსი არ არის ვინ  
უნდა გააწიროს იგი? დედელთმთავრის ყუ-  
რამდი ანისგან ერთი არ მიდის; ვინ იცის მა-  
თი უღირსების ამბავი? ისევე მათმა ღირსების  
მეტონმა მღვდლებმა და მათმა მრევლმა. სავა-  
ლალო და სამწუხაროა, როდესაც მრევლის  
სამოძღვროთ და გასასწორებლათ ნაკურთხა  
მღვდელი თვით გასასწორებელია. მემთვრალე,  
შემრუშე, ცრუ, მკონარი, მხვობარი, თავბუ-  
დი, კეთილის მოძულე, ბოროტის მოყვარე,

მროკელი, უსასო, მცირედ-პორწმუნე სხვას  
როგორ უქადაგებს უარ ჰყავ აღნუსხული  
სისაძაგლეო? რაც ზოგიერთ მღვდლებზე  
გვესმის, იმის გაზეთის ფურცლებზე გამოამკა-  
რავება შეუძლებელიც არის, რადგან მეტი  
მეტ ზიზღს მოგვრის კაცს. მოძღვარს ქადაგე-  
ბის უნარიც რომ არ ქონდეს, თავისი წმინ-  
და ცხოვრებით, კეთილი ყოფაქცევით, მამაშვი-  
ლური სიყვარულით მრევლს ისე შეიტკობს,  
რომ სათაყვანებელი მოძღვარი შეიქნება. კარ-  
გი ქადაგებელი კარგია, მაგრამ მღვდლის კე-  
თილი ყოფაქცევა სარკვე მრევლთათვის და  
უზნეო ქადაგებელზე, ერთი ათად და ასად  
მალა სდგას. უწმინდესი ზნეობის მექონმა  
განსვენებულმა გაბრიელ ეპისკოპოსმა, იმერე-  
თის და მინგრელიის თითოეულ სოფელში ვინ  
მოსვდლის რამდენჯერ იქადაგა პირჯვრის წე-  
რაზე, ჯვარი ცხადად გამოისახეთ, პირჯვრის წე-  
რის დროსო, მარა დღესაც არაფერ იწერს სწო-  
რათ პირჯვარს; ერთს შუბლზე კი მიიღებენ  
ხელს და მერმე აცაცუნებენ მკერდზე იქით-  
აქეთ და ამით ათავევენ. განსვენებულმა მთე-  
ლი მეგრელია შამოიარა რევიზიათ, ყოველ  
ეკლესიაზე პირჯვრის წერას უქადაგებდა შე-  
გროვილ ხალხს, ბოლოს თვითონ გამოიყვან-  
და ბოვშებს, დააწერინებდა პირჯვარს და, რო-  
გორც უწნოთ დაიწყებდა ბოვში ხელის იქით  
აქით ცაცუნს, ეტყოდა მეგრულათ: „ნუ უკვა-  
ტუანქ ხეს“ (ნუ უკვატუნებ ხელსო). ასე გახს-  
ლავს. ღმერთმა შვილობა მისცეთ იმათ, ვინც  
ანაფორაში თავისთავი უღირსად იცნეს და გა-  
იხადეს. ის მოძღვარი, რომელიც სინიდისს გა-  
დადგომია, მარტო კუქის მონა გამხდარა, თა-  
ვის მოწოდება არ ესმის, ერთი ასს ჩირქსა  
სცხებს თავის მოძმე მოძღვართა, ის უნდა გა-  
ნიკვეთოს სამწყსოსაგან თვისისა, უკეთუ მხი-  
ლებას არ მიიღებს და არ გასწორდება. ამას  
წინათ „კოლხიდის“ ერთ-ერთ ნომერში ამო-  
ვიკითხეთ: თფილისის ეპარქიის ამა და ამ  
მღვდელმა (სახელი და გვარი ეწერა, მაგრამ  
აღარ მახსოვს), თავის მრევლს ერთხელ თვი-  
თონ გადაახთევინა დრამა და, რადგან „კვიტან-  
ცია არ მიუცია, მეორეთ უჩივლა და პოლი-

ციის საშვალდებით კიდევ მეორეთ გადახდევინაო! ამაზე მეტი ყაჩაღობა იქნება კიდევ? ვამბობდი: ეს ტყვილი იქნება და უთუოთ მღვდელი გაზეთისავე საშვალდებით თავს იმართლებს მეთქი. ვადევნე თვალი გაზეთს, მარა ამაოდ. რა საკვირველია, უზნეო მოძღვარი ყველაფერს იკადრებს. აქედან ცხადია, რომ ასეთი მოძღვრები პრესის მხილებას ბუზათაც არ ჩააგდებენ, იმ-ტომ, რომ ეს ვაჟბატონები გაზეთებს სრულიად არ კითხულობენ, და კიდევაც, რომ ძალაუნებურათ მოხვდეს და წაიკითხონ, ამითი ისინი გასწორების გზას არ დაადგებიან, თავს დამნაშავეთაც არ ჩაითვლიან, რადგან თავის თვალში ღვირვს არაფერს ხედავენ. ამ საქმის სისრულეში მოყვანა სამღვდლოებათა ეპარქიალური კრების საქმეა. სახარებაში ასე სწერია: „უკეთეს კრებულისა არა ისმინოს იყავნ შენდა, ვითარცა მეზვერე და წარმართ“ დროა გაიწმინდოს ხვარბალი ღვირძლისაგან!...

რ. ქართველისშვილი.

## რას გვწერენ?

**ზეზო იმეკათი.** კვირას, 30 ოქტომბერს მობრძანდა ს. საღვინეში ყოვლად სამღვდლო იმერეთის ეპისკოპოსი გიორგი, ამ სოფლის ახალ აშენებული ეკლესიის საკურთხად. ეს ეკლესია სანახშირეს შტატის ეკლესიაზედ ზედმიწევრლია; ძველი, უვარგისის მაგიერად ხელახალი ხის პატარა, ლამაზი და მშვენიერი, მაღლობ ადგილზედ, აუგოთ აქაურ მკვიდრთ ეს ღვთის ტაძარი. კურთხევა ეკლესიისა დაიწყო 10 საათზედ, შემდეგ მისმა მეუფებმა სწირა და ნაწირებს იქ მრავლათ თავ-მოყრილ ერთ მიმართა სიტყვით, რომელიც დაახლოვებით შემდეგი შინაარსის იყო: „მომილოცავს ძმანო და შეიღონო ამ თქვენი ახალი ეკლესიის კურთხევა! დღეიდან მასში თქვენი სულიერი მოძღვრისაგან ყოველ კვირა-უქმე დღეებში შეიწირება უსისხლო მსხვერპლი, ესე იგი წმიდა საიდუმლო ზიარება. დღეიდან შეძლება გქმდე-

ვით თქვენ მოხვიდეთ ამ ღვთის სახლში, გაუხსნათ თქვენი სული და გული ღმერთს, შესწიროთ მადლი, მადლობდეთ მას მოწყალებისათვის, ილოცოთ საღვინებელად და სიმრთელისათვის და აგრეთვე შეავედროთ სულნი მიცვალებულთანი, რომ ღმერთმა განუსვენოს მათ სასუფეველსა თვისსა. თვითეული თქვენთაგანი წარმოადგენს საყდარს უფლისას, სადაც დასადგურებს მადლი სულისა წმიდისა; თუ იგი განსპეტაკებულ-განწმენდილია და თუ იგი, გული თქვენი, აშშორებული, აყროლებული და ასუნებულია, მაშინ როგორც ჩვენ ვერიდებით სულიან ღვშს, ისე არ დადგება თქვენში ღმერთი, ამისათვის ეოველთვის საჭიროა გული წმინდა გქონდესთ. ოქროა რა არის, იმასაც კი სჭირია გაფურვა. ასევე სჭირია ჩვენს სულს გაწმენდა. თუმცა ბევრი ხარჯი გაგვსვლიათ ამ ეკლესიის გაკეთებისათვის, მაგრამ აწიცი თან-და-თან უნდა სცდილობდეთ იმის შემატებასა და გამშვენებაზედ, მაგალითად არ გივარგათ სახარება, რომელსაც ყდა შეცვეთილი აქვს, გვარი, ლახვარი და სხ. ამისთანაების შეძენას ბევრი არაფერა დასჭირდება და იმათ უქონლობაც სიღარიბის ბრალი არაა. კურთხევა უფლისა თქვენზედა. ამინ“.

ამავე დღეს, წირვაზედ, განიცადენის დროს იქადაგა-ამავე ეკლესიის მღვდელმა მ. ი. გველესიანმა, რომლის სიტყვა აქვე მოგვყავს სიტყვა-სიტყვით.

მღვდელი გ. ანთაძე.

## სიტყვა მღვ. ი. გველესიანისა.

ვითარ საყვარელ არიან საყოფელნი შენნი უფალო ძალთაო? სურის და მოაკლდების სულსა ჩემსა ეხოთა მიმართ უფლისათა. გული ჩემი და ზორცი ჩემნი იხარებდეს ღვთისა მიმართ ცხოველისა.

ესეთი დიდებული და ღრმა მნიშვნელოვანი სიტყვები აღმოდიან ბაგეთაგან იმისა, რო-



მელიც სულიერად გაბრწყინებული იყო სულის წმიდის მადლით ვითარცა წინასწარმეტყველი და ზორციელად იყო გარემოცული ყოველგვარი ქვეყნიური კმაყოფილებით და აღქურვილი ყოველივე უფლებებით, ვითარცა მირონცხებული მღვდ ებრაელთა. რა იყო მიზეზი იმისა, რომ ეს მეფე და წინასწარმეტყველი დავით, არაფრად არ აგდებს თვის ქვეყნიერ ცხოვრებას სამეფო სახლში და მიისწრაფვის სულიერ, იქ, სადაც განსაკუთრებით იმყოფება უფალი ღმერთი. ესე იგი ტაძარში? რასაკვირველია იმისათვის, რომ ქვეყნიური ცხოვრება და ბედნიერება წარმავალია და არის შემზადებული იმ სასუკუნო ცხოვრებისათვის, რომელსაც საღმრთოწერილი უწოდებს სასუფეველს რომელს ნათლად აღწერს იგი სულის წმიდის მადლით აღბეჭდილ წიგნებში; ეს წიგნები კი იკითხებიან ეკლესიაში, საითკენაც მიივლტოდა სულით და გულით მეფე დავითი, და საითკენაც უნდა მიისწრაფებოდეს ყოველი მართლმადიდებელი ქრისტიანე. როგორი ძვირფასიც უნდა იყოს ჩვენი საცხოვრებელი ბინა, ის მაინც ვერ შეედრება ტაძრის სიმდიდრეს და მნიშვნელობას, ამისათვის ვალდებულია ყოველი ქრისტიანე იზრუნოს გაამშვენოს თავისი ეკლესია, სამუდამო ბინა ზეციური მამისა, სადაც ყოველ დროს გაისმის სწავლა, მიმყვანელი სასუფევლისადმი. „ხოლო თქვენ ეძიებდით პირველად სასუფეველსა ღმრთისასა და სამართლისა მისსა“ (მათ. 6, 33). ცხადად სჩანს აქედგან ძმანო მართლ-მადიდებელთა ქრისტიანეთა, რომ პირველი ყურადღება ჩვენი მიყრდობილი უნდა იყოს, აღვაშნოთ და გავაწარწყინოთ სახლი უფლისა და მერე კი ჩვენი დროებითი საცხოვრებელი ბინა.

რადგან ესეთ მიუცილებელ საჭიროებას შეადგენდა და შეადგენს თქვენთვის ქონება ჯეროვანი ეკლესიისა, ამისათვის მადლითა ღვთისათა მიჰყავთ ხელი აგეგოთ შესაფერი ბინა უფლისათვის და კიდევაც ხედავთ მას დღეს დასრულებულს. საღმრთო ისტორია მოგვითხრობს ჩვენ, რომ ტაძარში მიყვანილ იქმ-

ნა ყ.-დ წმინდა ღვთისმშობელი მშობელთაგან, ტაძარში მიირქვა მკლავზე მოხუცებულმა სიმეონმა მაცხოვარი მხსნელი სოფლისა იესო ქრისტე. აქედგან ცხადზედ უცხადესად სჩანს უპირველესი მნიშვნელობა ეკლესიისა ყოველი კაცისათვის. იესო ქრისტე იყო ძე ღვთისა, დედა მისი უბატონისესი ქერუბიმთასა, მოხუცებული სიმეონი მარჯალი და წინასწარმეტყველი, მაგრამ ისინი მაინც მივიდნენ ეკლესიაში, მასში ლოცულობდნენ და მასში შესწირავდნენ მსხვერპლს, იქ იხარებდნენ სულიერად და იქ პირველად ულოცავდნენ ერთი მეორეს ყოველგვარ სულიერ კეთილ დღეობას და ჩვენ ცოდვილთათვის, რასაკვირველია, მით უმეტეს უძვირფასესი უნდა იყოს ეკლესია, მუდამ უნდა მივდიოდეთ იქ კვირა უქმე დღეებში სალოცავად, და ღვთის სადიდებლად. ქეშმარიტად ძმანო ქრისტიანეთა ეკლესია არის და უნდა იყოს თვითეული ჩვენგანისათვის ერთი უსაყვარლესი და უძვირფასესი ადგილი, ვითარცა იტყვის მეფე და წინასწარმეტყველი დავითი. ეკლესია მუდამ უნდა გვაერთებდეს სულიერის სიყვარულით და გვახარებდეს წუთიერი ცხოვრების სარბიელზე. ეკლესია ბევრ რაიმე კეთილს მოგვაწვდის ჩვენ, ის არის დედა, რომელიც გვშობს სულიერად ნათლისღებით და გვზრდის; იგი აბრწყინებს ჩვენს ნამოქმედებს კეთილად და წაგვმარტებს სულიერად წმიდა საიდუმლოებში, როგორიც არიან; აღსარება, ზიარება, ქორწინება, მარონცხება და სხვა.

ყველაზედ უმჯობესი კი ის არის, რომ ეკლესია; როგორც ზემოთა ვსიქვით, გვაერთებს სულიერად სამართო სიყვარულით ვხედავთ რა, რომ ცხოვრება წუთიერი გვაშორებს ერთმეორეს, სთესს ღვარძლს ურთიერთ შორის და ეკლესია კი გვაერთებს სარწმუნოებით, ქეშმარიტებით და სიყვარულით, მაგრამ ნუ დაგვაფიწყდება ისიც, რომ ეკლესია იმისათვისაა განმანათლებელი, სულიერად წამმარტებელი და გამაბედნიერებელი, ვინც ხშირად დაიარება იქ, და გულმოდგინეთ ისმენს მას, რასაც იქ კითხულობენ და გალობენ. არავი.

თარი სწავლა არ შეედრება იმ სწავლა-დარიგებას, რომელსაც წმიდა ეკლესია გადმოგვცემს, თუმცაღა ცოდნა, სწავლა და განათლება არის უმთავრესი საზოგადო სურვილი ეხლა ყოველთა კაცთა, მაგრამ უმჯობეს არს მოკლებული სიბრძნითა (სწავლითა) შიშითა ღვთისა, ვიდრეღა წარმატებული სიბრძნითა (სწავლითა) და გარდამხთომელი სჯულისა (ზირაქი 19, 21). და ნამდვილად სწავლა და მეცნიერება კაცს ღმერთთან უნდა აახლოვებდეს ისე, როგორც ეკლესია, და არა აშორებდეს მას.

თქვენ, ძმანო ქრისტიანენო, რომელთაც აღაშენეთ ეს ეკლესია მ-იქეცით ასე, გსურსთ, რომ მან მოგიტანოსთ უდიდესი სარგებლობა, რადგან ამდენი შრომა და ხარჯი მიიღეთ ახალი ეკლესიის აგებისთვის, ეცადეთ რომ მისი შემწეობით განახლდეს თქვენი სულიცა და გულიც ღვთის წინაშე, და ის მადლი და სიწმინდე, რომელიც ამიერითგან იქნება ამ ახალ ეკლესიაში თან-და-თანობით გადმოვიდეს თქვენზედ.

აწ გფარვიდეს ბოროტებისაგან და ეკლესიის განშორებისაგან მადლი უფლისა ღვთისა რომელმაც მოგცათ შეძლება აგეგოთ ეს ღვთის სახლი და მადლი იმ ნათლით მოსილი მწყემსთ მთავრისა, რომელმაც, დაგროთთ ნება ამ ტაძრის კეთებისათვის და დღეს კი ნათლით მოსილი მარჯვენით გიკურთხათ იგი. ამინ.

**სოფ. ვაგუთი.** სწორეთ რომ ბედნიერი იქნებოდა სოფლის ხალხი, რომ ზოგიერთი თავზე ბელადებული აბლაკატები არ აფუქებდნენ საქმეს. როგორც მოგვხსენებათ, სოფელში ქინკული მოშარე აღამიანი არ გამოიღვებ, მთელი სოფელი რომ რასმე სასარგებლო დადგენილებას მაიღებნ, გამოვარდება ერთი შარიანი ყმაწვილი მოსძებნის ნასწავლ კაცს, დაიყენებს ვექილად დი დაიწყება ერთი წყწვა-გლეჯა სოფელსა და ამ შარიან ყმაწვილსა და მის ვექილ შორის. ასე მოუვიდა სწორეთ სოფ. გეგუთსაც. აგერ რამდენიმე წელიწადია, სოფელმა განაჩენი დაადგინა და ეკლესიის შენებას შეუდგა, ძველი ეკლესია

სია უფარვისობის გარდა, იწროც გამოდგა და ვერ იტევდა მლოცველებს. ორას ოც კომლ სოფლის მცხოვრებთაგან გამოითიშა ცხრამეტი კომლი კაცი, რომლებიც 15—50 საენის მანძილზე ახლადან ახალ ეკლესიას, და პირველთა შორის არიან ხელმოწერილნი სოფლის განაჩენზე და დაიწყეს შარები: რომ იგინი კმაყოფილნი არიან ძველი ეკლესიით და თანახმა არ არიან ეკლესიის შენებისა. იშოვნეს ვექილი და გოუდგენ საჩივრების გზას. ბევრი იჩივლეს, ბევრი დახარჯეს, ვექილსაც, რა თქმა უნდა, შესაფერ სასყიდელს მისცემდნენ, და ბოლოს საქმე იმ ზომ მდგ მიიყვანეს, რომ ყოველად სამღვდელმომღვდელ მოქმედება აუკრძალა გარდა საქირო ნათელა-ზიარებისა. მის მაგიერ, რომ თავა მოედრიკათ მეზობლებთან ერთად უღელი გაეწიათ, ეკლესიის ასაშენებელი ხედრი გადასახადი შეეტანათ, რომელიც, სიტყვაზე ვსთქვათ, არ აღემატება 20—50 მანეთს კომლზე, და დაწყნარებულიყვენ, უთუოდ თავის ვექილის და ხელმძღვანელის შემწეობით დიდი ვრძელი თხოვნა გაუქანდრაკებით და კონტორის პრიკურორისთვის მიუერთმეციათ, აქაო და ებისკოპოსი გიორგი ქრისტიანობას გვისპობს მღვდელ მოქმედებას გვიკრძალავს, საშველი არ გვაქვს უნდა გავთათრდეთ, ჩვენი განაჩენზე თანახმა არ ვყოფილართ, ჩვენი დარბევით უნდათ ეკლესია ააშენონო. დარწმუნებული ვართ მისი მეუფეება შესაფერ პასუხს მისცემს ამ უთავებოლო უაზრო თხოვნის შესახებ და სინოდის კანტორაც არ შეეხება ადგილობრივ მღვდელმთავრის განკარგულებას, როგორც ამას ბრძანებს მოციქულთა და მსოფლიო კრებათა კანონები. მაგრამ ჩვენ კიდევ სხვა რამ გვაკვირვებს, სახელდობრ ის, რომ თუ ბნ მომჩინებს ეკლესია არ უნდათ, მღვდელ-მოქმედება რაღა მოხელეა. ვერ არ ნახულა ისეთი ქრისტიანი საზოგადოება, რომელსაც ეკლესია არ ქონოდეს. ეკლესია თუ არ ექნებათ, ხის ძირში ხომ ვერ შეუსრულებსთ მღვდელი მღვდელ მოქმედებას?

მაგრამ ეს სულ მათი ბრალეც არ არის;

აქ სხვა უფრო დახელოვნებული თავი და ხელი მუშაობს, რომელსაც ან ესმის, თუ რა ცოდვას ჩადის, როცა მეზობელ ანაძმებს ერთმანეთზე ამხედრებს. შესაძლებელია საქმე იმ ზომამდე მივიდეს, რომ გამდგარი გლეხები სრულებით მოიცილონ თავიდან საზოგადოებაში, არ მიეკაროს მას არც ქირში და არც ლხინში, არ მიეკაროს ეკლესიაზე, თემზე, მაშინ რას ემგვანება მათი ცხოვრება? განა შეიძლება 200 კომლის წინააღმდეგ 19 კომლი კაცის ახედრება?

გამდგარ გლეხებისადმი ჩვენი გულწრფელი რჩევაა, ნუ გამოეთიშებიან მეზობლებს, ნუ აყოლიან ვიღაც „თავის ეზო“ კაცს, იცოდნენ, რომ შორეულ მდიდარ მოყვარეს ახლობელი ლატაკი მეზობელი სჯობია, იცოდნენ, რომ გაჭირვების დროს მხოლოდ იგინი იქნებიან მათი შემწე-დამხმარენი, კარგათ გაითვალისწინონ, რომ ჭეშმარიტი ქრისტიანისათვის ეკლესია ისეთივე საჭიროა, როგორც თევზისათვის წყალი. ნურც დაიჩემებს ქრისტიანობას ის კაცი, ვინც სამლოცველო სახლი არ იცის. ტყუილათ ხარჯავს საჩივარში ფულს, მოვა დრო და იძულებული იქნებიან, თუ თითონ არა, მათმა შვილებმა მაინც, ბოდიში მოიხადონ და ძობა ითხოვონ. დარწმუნებული იყვნენ, რომ ორასი კომლი კაცი ბევრათ არ დაიმჩნევს 19 კომლის დაკლებას, ხოლო ცხრამეტისათვის ორასი დიდი დასაკლისია.

დღეს ეკლესია უკვე დასახურავათ მზადდება, მიუხედავად იმისა, რომ გამდგარ ცხრამეტ კომლ კაცს არაფერი შემოუჩანია. ეს იმას ნიშნავს, რომ მაშენებელი ხალხი ცხრამეტი კომლის დაკლებას არაფრათ იმჩნევს და ჰვავს უმისოთაც მალე მოიყვანს სისრულეში დაწყებულ საღვთო საქმეს. სულ ერთი წლის შემდეგ დასრულდება შენობა და მაშინ რა გუნებაზე დადგება გამდგარი ხალხი თავის წინამძღოლით, თუ გინდ დღეს მთავრობამ კიდევ გაათავისუფლოს ეკლესიის შენებისაგან?!

სივანთა სულის უკვდავების რწმენა, და მათი ლიფანადი \*).

ნათლ-ს ღების წინა დღეს, რომელიც ქრისტიანისათვის არის დიდი მარხვა, ამ დღეს სვანები დილითგან შეუდგებიან, ოჯახის სამკაულების წმენდა-რეცხვას, არ დარჩება ოჯახში საჯდომი სკამებიც გაუტყეხელი. მთელი დღე დიდი და პატარა მარხულობენ, ერთი სიტყვით ელიან უძვირფასეს სტუმრებს, —სადამო ეამს დაიწყებს დიასახლისი პურების ცხობას, მოამზადებს ყოველივე სამარხო საწოლსაც. როგორც შელამდება, დადგმენ გრძელ ტაბაკს, მაზე დააწყობენ პურებს რიგ-რიგად, საქამაღს ჯამებით დადგმენ, სკამები წინეთ გამართულია. ჩხირ-სანთლებს მოუკიდებენ და ტაბაკზე მიაკოსებენ, ოჯახის უფროსთაგანი აიღებს სამს პატარა პურს საგანგებოდ ამ დანიშნულებისათვის გამომცხვარს, ჩააწყობს პატარა კარავში\*\*.) თან ნათურ არაყს ბოთლით კიდევ ჩადვამს პურთან და გასწევს, სადაც მისი ძველი და ახალი მკვდრების სასაფლაო ეგულდება. იქ აღამაღლებს კარვას და შეეხვეწება მისი ძველი და ახალი მკვდრების სულებს: „გთხოვთ და გევედრებით. წამობრძანდით სახლში და გვიმსახურეთ რაც შეძლება გვაქვს და ამითი გააბედნიერეთ ჩვენი ოჯახი“. მერმე მობრუნდება წაღმა და შენალოცი პურები და არაყი თან მოაქვს. არაყს კი გზა-გზა აწვეთებს, რასაც სულები გამოყვებიან, ასე შემოვა სახლში. აქ ტაბაკი გამართულია და სამთლები გაჩ რაღდნებულია, სკამები უფროსის რიგად დადგმული. შემოუვლიან გარს ამ სკამებს სულები და თავთავის რიგზედ დასხდებიან; კათხები არაყით სავსე, წინ უდგანან. სულის მომწვევი, ე. ი. დამპატივებელი და მთელი ოჯახობა ერთ კუთხეზე მიიკუნჩხებიან, და არის სიჩუმე რამოდენიმე წამი. ბოლოს წამოდგება ის სულის მომწვევი პირი. აიღებს კათხას თავს წაუქცევს და იტყვის: „შეუნდოს ღმერთმან ჩვენი ოჯახის ძველ და ახალ სულებსო. დანარჩენი კათხებით

ბებუქელი.

\*) ლიფანალი საკურთხია სვანურად. \*\*) კარვა პატარა კოთხის მსგავსი ჭურჭელი.

სხვებიც შენდობას შეუთვლიან, ამ დამზადებულ სანოვაგედან, გადმოალაგებენ და თვითონ შეექცევა მადიანათ მრთელი დღის ნამარხულევი ჯალაბობა. სკამები და ტაბაკები ისევე აუშლელად დგას, ვინემ სტუმრები არ წავლენ, ვერაფერს დაჯდება იმათთვის გამართულ სკამ-ტაბაკზედ, პატარა ბავშვებსაც აკრძალული აქვთ. იმ მხრით გავლა-გამოვლა, რადგან სტუმრები იქით სხედან მათის რწმენით. პირველ ღამეს ხომ სამარხო საქმლით, უმას-პინძლეს, მეორე დღეს, ე. ი. ნათლისღებისთვის იკვლება ცხვარი, ხბო, თხა, ქათმები და კვერცხები ზლომად. კიდევ დაალაგებენ გამართულ ტაბაკზე, რიგ-რიგათ საქმელებს, კათხებით სავსე არაყს დადგმენ, სამთლებს აანთებენ, ჯალაბობა ერთ კუთხით მიუყურებია, არის სიჩუმე, თითქმის 15 წამი გასტანს, ანთებული ჩხირის სამთლები კიდევ დაიწვება. მერმე კიდევ წამოდგება ოჯახის უფროსი აიღებს კათხას და თავს წაუქცევს და შენდობას შეუთვლის, ვერაფერს მრთელი ჯალაბობა. ამ ცერემონიით ატარებენ ერთი კვირე მომავალ ორშაბათამდე. რომელსაც „ჯოდი ჰამს“ უწოდებენ, ე. ი. „გრძელი დღი“. დამლამ-ბით, როდესაც სტუმრებს ვახშამს მიართმევენ, დამოუხვევებენ, ოჯახის უფროსი დაჯდება და ზღაპარს მოუყვება, და ამით შეექცევს სულესს. ამას რომ გაათავებს, ჩანგს და ქიანურს დაუკრავს, სანამ ძილი არ მოერევა. ამ პატივისცემით ეტყობა სულესს, უკანასკნელ, ხვალ ორშაბათ დღია არის, ე. ი. „ჯოდი ჰამი“, დღეს დღით ადრე სულელები მოემზადებიან, საუზმეს ადრე მიირთმევენ და წავლენ, „ლაღხორთე“, ე. ი. შესაკრებელ ადგილზედ, სადაც მთელი ვადამა სვანეთის სულელები შეიკრიბებიან და აქვთ სჯა ბაასი სვანეთის მომავალი მთელი დღე. ლაღხორი მდებარეობს კალის საზოგადოებაში და ამ სოფელს დღესაც ლაღხორი ქვიან როცა სულელების სჯა-ბაასი ვათავდება, ისევე გასწევენ თავიანთ მასპინძლების ოჯახზე. იქ რასაკვირველია მასპინძელი განახლებული პატივისცემით ადრე-ნამგზავრს სტუმრებს ვახშამს მიართმევენ, და შეექცევნ ზღაპრითა, „ჩანგით და ქიანურით“. მეო-

რე დილას, ე. ი. ორშაბათს, რომელსაც უწოდებენ „ჯოდი ჰამს“, წამოდგება ადრე მრთელი ჯალაბობა, ცეცხლს გააჩალებს, საუზმეს გაამზადებს რაც კი შეიძლება, სტუმრებიც თავთავის ადგილას დასხდებიან და მიირთმევენ საუზმეს. მასთან ის პირი წარმოდგება, რომელმაც სულელები პირველად მოიწვია და დაუწყებს ბოდიშს: „მათ რომ შეშვენოდა ისე წრეულს ვერ დაუხვდენ და მათი საკადრისი პატივი ვერ სცეს, მაგრამ გაისად იმედი გვაქვს უფრო კარგათ მომზადებული დაგიხვდებით და უფრო პატივისცემით გაგისტუმრებთ“ და სხვანი. ბოლოს აიღებს რძით სავსე ჯამს, გაუძღვება წინ სტუმრებს, გზავდ რძეს უწყვეთებს და ისე კარგბამდი შიაცხილებს. რძესაც გამოლევს, სტუმრებს გზას დაულოცავს, კარებს მიკეტავს და თვითონ სახლში შემობრუნდება. მოუსხდებიან სტუმრების დანარჩენ სანოვაგეს და მადიანათ შეექცევიან.

მღვდელი კაიბაძე ძიმისტარაშვილი.

კიდევ დია წერილი ოზურგეთის მასპინძლის მისიონერს თავადს მეღქისედექ ნაკაშიძეს.

თქვენი წერილები, რომლებიც მოთავსებულია არიან „შინაური საქმეები“-ს ამ წლის ოცდასამს და ოცდაოთხს ნუმრებში, ისე არ მუდგებიან, თქვენდამი მომართულს ჩემს პატარა ბარათს, \*) როგორც მდინარე სუფსა მტკვარს. ამის გამო ჩვენ შორის სადაო საგნები ისევე სადაოდ რჩებიან. თქვენ ერთი საბუთიც არ მოგიყვანიათ ქართლ-კახურ გაღობის კილოს უფარგისობისა და ქართლ-კახეთში საეკლესიო გაღობის გაქრობა-დაკრევისა. მართალია, მღ. პოლუე კარბე-ოშვილის წიგნიდან ამოღებული სიტყვებით მოგვითხრობთ, თუ როგორ დავიბარეს 1878 წ. გურიაიდან თბილისში სხვებთან ერთად და როგორ იქენით გამწესებული გაღობის მასწავლებლად სემენარიაში ნაცვლად კარბელაშვი-

\*) იხ. „შინ. საქ.“ № 12.

ლისა, მაგრამ აი სწორეთ ეს სიტყვებია, რომ ყელსა გქრიან და მიწასთინ გასწორებენ. თქვენ ვერ შეგიგნიათ, რამდენი ნალველი, მწუხარება და უკმაყოფილებაა ჩაწული მღ. პოლვე კარბელაშვილის სიტყვებში: „რადგანაც მგალობლებად აირჩიეს ნაკაშიძე, ხაფთასი და კონტრიძე, ჩვენ, ძმები, კარბელაშვილები, ჩამოვეცალეთ გალობის საქმეს 1882 წლის იანვრის პირველადღე“-ო\*\*). კარბელაშვილის რწმენით თქვენა და თქვენი ამხანაგები აგირჩიეს მგალობლებად არა იმიტომ, რომ თქვენი გალობა სჯობდა ქართლ-კახურ გალობას, არამედ იმიტომ, რომ ასე სურდა არხიმანდრიტებს მაკარს და გრიგოლს, რომლებთაც ამ შემთხვევაში ხმარობა იარაღად გარეშე ძალა.

ეს რომ ნამდვირით ასე იყო, ამას კარბელაშვილი ამტკიცებს შემდეგი სიტყვებით: „1881 წ. დამღვეს ჩამოველ ტფილისში, რომ გალობის საქმე როგორმე გამეღვიძებინა. 1882 წლის 1 იანვრიდან ვიწყე გალობის სწავლება სასულიერო სასწავლებელში, შემდეგ სასულიერო სემინარიაში და საეპარქიო დედათა სასწავლებელში. სამ თვეზე მოწაფენი უკვე გალობდნენ მწუხრსა და წირვასა. გალობის საქმის საკეთილდღეოთ იმ გაზაფხულზედ უწმ. სინოდმა გამოგზავნა საქსარხოსოს სასულიერო სასწავლებლების სარევიზიოთ გალობის ტრფიალი, რუსეთის ღირსეული შვილი ს. მიროპოლსკი, რომელმაც 1882 წ. 19 მაისს ოთხშაბათს მოისმინა ჩემ მოწაფეთა გალობა და სიმღერა, რისთვისაც მადლობა მითხრა როგორც მე, ისე ზედაშხედველს სასულიერო სასწავლებლისას ბ. ჟორდანიასა; დაგვირდა — ქართული გალობის საქმეს, რაც შემოძლია, დავეხმარებო. დაპირება აღგვისრულა კიდევ. ამავე წლის აგვისტოს გასულს ქალღმერთი მომივიდა სემნარიის სამმართველოდან — მგალობელთა გუნდები შეადგინე სასულიერო სემნარიაში და სასულ. სასწავლებელშიო, სიხარულით შევესრულე ეს მონდობილობა. ამგვარად კვლავ აიდგა ფეხი ქართულმა გალობამ

\*\*\*) ქართული საერო და სასულიერო კილოები. მდ. 3. კარბელაშვილისა გვ. 73.

სასულიერო სემნარიაში. თუ რა კეთილად წავიდა გალობის საქმე იმ ხანად, დაამოწმებენ მაშინდელი მოსწავლენი და მასწავლებელნი“\*\*\*) როგორ მოგწონთ, ეს „გალობის გამოღვიძება“, ქართული გალობის ფეხის აღგმა“ სემნარიაში შამა კარბელაშვილის მეცადინობით და უნარით, თუმცა თქვენა ბრძანდებოდით გამწესებული გალობის მასწავლებლად და ხელმძღვანელად?!

იქონიეთ მოქალაქობრივი გაბედულობა და ბძანეთ, რა ავტორიტეტი და დაფასება გქონდათ მოსწავლეთა და მასწავლებელთა შორის? თქვენ დღესაც თავი მოგწონთ და საქმეზურათ მიგაჩნიათ თქვენი ყოფილი მოწაფეები, რომ მოგაგონებენ ხოლმე ვგზემენების დროს, ნაცვლად მამაო ჩვენოსი, რომელნი ქერუბინთასი, დასდებლების და სძილის პირებისა, რომლებსაც მათარა გაეგებოდათ-რა, როგორათქმევიანდით ხოლმე ქუჩურ სიმღერებს. ერთა გვიბრძანეთ, განა ესეთი თქვენი საქციელით ქართულ გალობას არა ლანძღავდით და მასხარათ არ იგდებდით? თუ თქვენი მასწავლებლობა სემნარიაში მთლად ფუჭე არ იყო ქართული გალობისათვის, გთხოვთ დავგისახელოთ, რომელმა სემნარიელმა შეისწავლა თქვენგან გალობა? რომელი გუნდი გააწყეთ სემნარიის მოწაფეებისაგან, სად გალობდა იგი და როგორ შეხედნენ თქვენ გალობას ქართული საზოგადოება და პრესა?

თქვენ ამბობთ — ქართლ-კახეთის დიაჩოქების მასწავლებლათაც მე დამნიშნესო. შესაძლოა, მაგრამ დასახელებით თუგინდ ერთი დიაჩოქი კახეთელი, რომ თქვენგან უფალო შეგვიწყალენი მაინც არის დაესწავლოს. თითონ თქვენ გაგიბედნიათ კი როდისმე ქართლ-კახეთის სოფლებში გალობის თქმა?!

თქვენ იხსენიებთ, რომ თბილისის კომიტეტში, რომელმაც თქვენ აგირჩიათ მგალობლად, განსვენებული ეპისკოპოსი ალექსანდრეც ერიაო და ამითი ფიქრობთ დაგვაჯეროთ, ვითომც სხენებული მღვდელმთავარი მომხრე იყო თქვენი. სიცრუეა. ეპისკოპოსი ალექსანდრე

\*\*\*) საერო და სასულიერო კილოები გვ. 93.

შეუთავებელი მოწინააღმდეგე იყო თქვენა და მაკარ-გრიგორისაც. თუ ამის შესახებ კარბელაშვილის ზემოთ დასახელებულ იგნში მოყვანილ ცნობებს არ იკმარებთ, განისარჯეთ და

გადააფლეთ თვალი ბ. ს. კ. ფალიაშვილის წერილს, რომელიც ჩართულია წინასიტყვაობის მაგივრად თბილისის ქართული ფილარმონიული საზოგადოებისაგან გამოცემულ იოანე ოქროპირის წირვის საგალობლების წიგნში.

რა გნებავს დაამტკიცოთ იმითი, ბ. მგალობელი, რომ თ. ალექსანდრე ჯამბაკურიან-ორბელიანის წიგნიდან გადაგიწერიათ რამდენიმე გვერდი? მდ. პ. კარბელაშვილი ამტკიცებს, რომ სიმღერები: „ყურწაო“, „ღმერთო, ღმერთო მოწყალეო“, „ბედზედ დაგნატრი ბარათო“, „ვინ შენ ჩემო თეთრო ბატო“, „დიდება“, „ვინცა კაცია, არნანო, ჩოხა ჯაქვია, თარნანო“ და სხ. იმ დროისანი არიან, როდესაც ქართველები ჯერ ისევ წარმართები იყვნენ და მხოლოდ გაქრისტიანების შემდეგ ამ საერო კილოებაზე საეკლესიო გალობა მოაწყუსო. რა მოსატანია აქ როსტომ მეფე და ყიზილბაშების ყიყინა?! „საიდან სადაო“, მელქისედეკ! წავითხუღს გაგება უნდა და გაგებასთან კი ძალიან პირშივით ბძანებულხარ, ბ. ლოტბარო. თქვენ რომ ისტორიულად გამოგვეკლიათ, რომ ჩამოთვლილი საერო სიმღერები პირველად ხმარებაში შემოვიდნენ როსტომ მეფის დროს, დიად, ბ. ტონა, მაშინ ხმა აღარ ამოგვეღებოდა და თქვენი დასკვნა უნდა მიგვედო, მაგრამ რადგანაც თქვენ ამ გვარი რომ აზრათაც არ მოგსვლიათ, სულ ტყუილად გასჯილხართ დ. უაზროთ ამოვიღიათ აღ. ჯამბაკურიან-ორბელიანის წიგნიდან ცნობები. მართალია, როსტომ მეფემ მრავალი სპარსული ჩვეულებები შებღალა ქართლებს ცხოვრება, მაგრამ განა აქედან ის დასკვნა უნდა გამოვიყვანოთ, რომ დასაფლეთ საქართველოში ეკლესიური ცოდნა და ეროვნული შეგნება დულდა და გადმოდრიოდა? სრულებითაც არა. თვალნათესავად კარით მარი ბროსის ქართული ისტორიის მეორე ტომის 214 და 215 გვერდზე მოყვანილ შენიშვნებს და თქვენს

გატაცებას დასაფლეთ საქართველოში სარწმუნოების სისპეტაკის შესახებ ცივი წყალი გადესხება.

ქაკუთელი.

შემდეგი იქნება.

შინაური საქმეების ფოსტა.

ბ. ნ. კ. ვეჩიასხის. თქვენი კორრესპონდენცია არც ძველი და არც ახალი არ დაიბეჭდება. თქვენ ისეთ ბრალსა სდებთ თქვენგან მიზანში ამოღებულ პირს, რომლის დამტკიცებას რედაქცია ვერ იღებს თავზე, თუ სიმართლე გალაპარაკებთ, მიიტყვით სულში და, გარწმუნებთ, უფრო ადვილად გაუსწორდებით. უკანასკნელთქვენი გამოგზავნილ დოკუმენტში ჩვენ ვერაფერს „პოლდოგს“ ვერ ვხედავთ, აქ მხოლოდ ერთი მხრით ნდობაა და მეორე მხრით კი ან დილატი ან დავიწყება. თქვენი უმარკო წერილი შეცდომით მიუღიათ რედაქციაში, რადგან ასეთ წერილებს რედაქცია საზოგადოთ არ ღებულობს.

მდ. ნ. ბ. ძმის, თქვენი მოთხოვნა „დიტი“ არ იბეჭდება.

რედაქცია უმორჩილესად სთხოვს ბლანონინებს და ხელის მომწერლებს, გამოგვიგზავნონ ამ წლის ბევდრი ფახი გაზ. „შინ. საქმეები“-სა.

საქიროთ ვსთვლით ერთხელ და საბოლოოდ ვაუწყობთ ბ. პ. კორრესპონდენტებს, რომ უმარკო წერილს რედაქცია არ ღებულობს და არც დაუსტამბავ ხელნაწერებს ინახავს ორი კვირის შემდეგ. დაწუნებულ ხელნაწერების დაბრუნებას რედაქცია არ ტვირთულობს.

რედაქტორი, მღვდელი სიმონ ჯამბაკურიანი. გამოცემული, იოსებ ლევადა.

გ ა ნ ც ხ ა დ ე ბ ა ნ ი .

# სტამბა „შრომა“

— დაბა შვირილაში —

შვირილის რკინის გზის ხიდის პირდაპირ  
ღებულაბს უოველგვარ სასტამბო საქმე  
ვბეჭდავთ: ბლანკებს, აფიშებს, განცხადებებს,  
წიგნებს, ბროშურებს და უოველგვარ მოსა-  
წვევ წერილებს: ქორწინებისას, ნათფისას,  
სამკვდვარიოსას და სხვ. აგრეთვე კონტო-

რებისათვის სასტამბო წიგნებს და წიგნა-  
კებს, კვიტანციებს, იარღიკებს, სადარბაზო  
ბარათებს (გიზ. კარტ.) და სხვ.

აგრეთვე გვაქვს დამზადებული ყველა სასწავლე-  
ბლასათვის კლასის ჟურნალები და ბილეთები.

საქმეებს გასრულებთ სუფთად და თავის  
დროზე ძლიერ დაკლებულ ფასებში.

რაშიდაც შეუძლიანთ დარწმუნდენ თვით  
პატივცემულნი ზაკაზჩიკები.

ადრესი: ვვირილა სტამბა „შრომა“.

Адресъ: Типогр. „Трудъ“ Квирылы

# სამხატვრო სახელოსნო

ა. ი. ყირიაკოვისა. ქ. ქუთაისში.

ღებულაბს უოველგვარ სამხატვრო-საეკლესიო სამუშევრს. ასრულებს  
დროზე, სუფთათ, საიქედოთ და სინდისიერათ.

ფასება ნახატების დირსებაზე და ზომახვა დამოკიდებული და უოველ შემთხვევაში  
საშუალოა.

სამხატვროს არავისთან დამოკიდებულება და კავშირი არ აქვს და ამიტომ ყვე-  
ლას სთხოვს პირადათ მასთან მოიქცენ და არ დაუჯერონ ზოგიერთ ჩარჩ მხატ-  
ვრებს და მოიჯარადრეებს რომლებიც ჩვენი ფირმის სახელით სარგებლობენ  
საქმის აღების დროს სოფლებში. სამუშევრს პირობით ვღებულობთ, თუ მოწო-  
ნებული არ იქნება სასულიერო მთავრობისაგან უკანვე ვიბრუნებთ და სხვას ვა-  
სრულებთ იმავე მთავრობის შენიშვნისამებრ.

ჩვენი ფირმა სარგებლობს გურია-სამეგრელოს ეპისკოპოსის უოვლად  
სამღვდლო ლეონიდას ნდობით და გვაქვს მათი მეუფებისაგან შესა-  
ფერი მოწმობა.

ადრესი: „შინაური საქმიანობის“ რედაქცია, კასაკოვის ქუჩა № 17.

## გ ა ნ ც ხ ა ღ მ ე ბ ა .

თბილისის და ქუთაისის წიგნის მაღაზიებში და მოწამეთის მონასტერში იეიდება ანსიმანდრიტის ნესტორის მიერ შედგენილ - გამაცემული წიგნები სასულიერო შინაარსისა:

- 1) კაიფას ვაჟი შვილი — 50 კ.
- 2) მესამე ოქრო — — — 5 კ.
- 3) გზა ცხოვრებისა — — — 30 კ.
- 4) ძველ აღთქმის საღვთო ისტორია 50 კ.
- 5) ახალი აღთქმის საღვთო ისტორია 40 კ.
- 6) სიკვდილი მართლისა — — — 10 კ.
- 7) ერთი ღამე აკალდამაში — — — 5 კ.
- 8) არა კაც კლა — — — 5 კ.
- 9) კარგი ყველგან კარგია — — — 10 კ.
- 10) ქრისტიანობა და დემოკრატია, ქრისტიანობა და სოციალიზმი 15 კ.
- 11) ცოლ-ქმრობა (საღვთო წერილიდან — — — — — 5 კ.
- 12) მამა დავით გარეჯელის ცხოვრება და მოღვაწეობა — — — 10 კ.

სამკითხველოებს და სასოფლო შკოლეებს, როგორც სამრევლოს ისე ხაეროს, ნაღდ ფულზე ვინც გამოიწერს, უკულა წიგნებს დაუთმობ ნახევარ ფასად. ხალხო წიგნის მაღაზიებს, რომელიც ნაღდ ფულზე გამოიწერენ, დაეუთმობ 30%, ადრესი: **Черезъ Кутаисъ въ Мцхетѣ. Архимандриту Нестору.** ვინც ისურვებს ჩემკან ზარდაზირ გამოწერას, ვსთხოვ ადრესი გარკვევით მომწეროს.

### „შინაური საქმეები“-ს რედაქციაში იეიდება:

გლიროვის უწებები ახალი ფორმისა და უკულა უწებები (**Вѣдомости**) წლიური საბუღალტრო ანგალიტიკისათვის. ბლანკები „ქობის“ გამაცემა და ფულიც მას ეკუთვნის. ფასი ბლანკებისა — რწვილი 5 კაპ. ვინც ორასზე მეტს დაიბარებს — 4 კაპ.

ხვედრი ფული უნდა გამოიგზავნოს შემდეგი ადრესით: **Кутаисъ, Правленіе релігіозно-просвѣтительнаго „братства“.**

Ольденбургская д. № 5.

სტამბა „ურდმა“ დაბ. უარილაში. ● Типографія „Грудь“ въ м. Квирилы.